

ՀԱՅԱՍՏԱՆՈՒՄ ԳՈՐԳԱԳՈՐԾՈՒԹՅԱՆ ԾԱԳՄԱՆ ՀԱՐՑԻ ՇՈՒՐՋ

ԱՇԽՈՒՆՋ ՊՈՂՈՍՅԱՆ

Հայկական գորգերի ու կարպետների բնորոշ տիպերի առանձնահատկությունների բացահայտման, ինչպես նաև համաշխարհային գորգարվեստի համակարգում դրանց արժեքավորման կարևորագույն նախապայմաններից մեկը մեր տարածաշրջանում գորգագործության ծագմանաբանության ուսումնասիրումն է: Հայտնի է, որ գորգարվեստն ուսումնասիրման առարկա է XIX դ. վերջերից, երբ եվրոպական խոշոր թանգարանները սկսեցին հետաքրքրվել արևելյան դորդերով և կազմակերպել դրանց առաջին ցուցահանդեսները: Սկզբնապես մի շարք արվեստաբաններ, որոնց թվում՝ չվեզ հայտնի արևելագետ Ֆրիդրիխ Մարտինը, արևելյան գորգերի համակարգում տարանջատեցին դորգերի մի խումբ, որը, նրանց կարծիքով, ծագել է Հայկական լեռնաշխարհում և վերաբերում է Հայոց մշակույթին¹: Մարտինն այդ խմբին առաջին հերթին դասում էր այդ ժամանակներից արդեն լայն հետաքրքրության արժանացած վիչապադորգերը /նկ.1/: Բայց դիտական շրջանառության մեջ արդեն իսկ կային առևտրականների կողմից արևելյան գորգերին տրված ապրանքային պիսակներ, որոնք ներկայացնում էին գորգի առևտրով Հայտնի քաղաքներ, տարածաշրջաններ ու այնտեղ բնակվող ժողովուրդներ: Այդ կերպ էլ, XIX դ. վերջերից և հատկապես XX դ. առաջին քառորդից լայնորեն կիրարկվում են «Թավրիզ», «Գյանջա» «Շիրվան», «Դերբենտ», «Թուրքմեն», «Աֆշար», «Շահսևան», «Բելուջ», «Բախտիար», «Կարաման» և այլ նմանատիպ տեղանուններ ու ցեղանուններ:



Նկ. 1

Ուսումնասիրողներից շատերը չունենալով այդ տարածաշրջաններին ու ժողովուրդներին պատմությանն ու տնտեսամշակութային հատկանիշներին վերաբերող կոնկրետ պատմագրագրական տվյալներ ու պատկերացում, մեխանիկորեն փորձեցին հենց այդ ժողովուրդներին էլ վերագրել

1 Այս մասին տես՝ Y. G a n z h o r n. La Tapis Cretien Orientals. Koln, 1989, p. 338: Ա. Պ ող ո ս յ ա ն. Առաջավոր Ասիայում գորգագործության ծագման հարցի շուրջ. — Հայ ժողովրդական մշակույթ, X (գեկուցումների հիմնադրույթներ). Երևան, 1999, էջ 64-66: Ն ու լ յ ն ի Այսպես կոչված «քոչվորական» գորգագործության ծագման մասին. — Հայոց պատմության և մշակույթի հարցեր, նվիրվում է Հայագիտության հովանավոր Ալեք Մանուկյանի հիշատակին (գեկուցումների հիմնադրույթներ). Երևան, 1997, էջ 33-34:

տարածաշրջանում գորգագործության ծագման և հետագա զարգացման փաստը: Դարասկզբից թուրքամետ գերմանացի և ամերիկացի արևելագետները (Ա. Ուֆամ-Պոուպ, Կ. Էրդման և այլք), իսկ 1930-40-ական թվականներին թուրք արվեստաբանները (Օքտայ Ասլանապա, Շերաբե Էդկին, Բալքիս Բալիինար, Նեյաթ Դիարբեքիրլի և այլն) այդ անվանումների հետ լայն շրջանառության մեջ են դրել նաև «քոչվորական գորգ», «սելջուկյան», «մուսուլմանական» հասկացությունները, որոնք հաճախ ընդունվում են իբրև առհասարակ արևելյան գորգերի ընդհանրացված անվանումներ²: Այդպիսով, չնայած Հայկական լեռնաշխարհում և մերձակա տարածաշրջաններում գորգագործության վաղ ավանգույթներ լինելուն վերաբերող մի շարք ուսումնասիրողների կողմից արդեն արված և հետագայում էլ արվող պնդումներին³, իշխող են մնում այդ զբաղմունքին միջինասիական ծագում վերագրող տեսությունները: Դրանց հետևորդները դտնում են, որ Առաջավոր Ասիայում, գորգագործության ու գորգարվեստի, և ըստ այդմ՝ վերը հիշատակված վիշապագորգերի ծագումը կապված է տարածաշրջանում XI–XII դդ. սկսված սելջուկյան և դրան հաջորդած ալթայյան ու միջինասիական ծագում ունեցող քոչվոր այլ ցեղերի հարածուն ներթափանցումների հետ⁴: Այդպիսով, համոզմունք է հայտնվում, որ Հայկական լեռնաշխարհում և առհասարակ Առաջավոր Ասիայում գորգագործությունը և կարպետագործությունը սկզբնավորվել են վերը նշված դարերից: Կուրտ Էրդմանի կարծիքով, դա հատկապես վերաբերում է խավահանգուցային գործվածքին՝ գորգերին, «որոնք Փոքր Ասիայում առաջին անգամ հայտնվեցին XI դարից ոչ շուտ»⁵: Ըստ որում, չնայած վենետիկցի ճանապարհորդ Մարկո Պոլոյի հայտնի վկայությունը՝ Կեսարիայում և շրջակայքում հայերի և հույների կողմից բարձրորակ գորգեր գործելու մասին⁶, նա դտնում է նաև, որ «Անատոլիայում հույներն ու հայերը առհասարակ ոչ մի առնչություն չունեին գորգագործության հետ»⁷: Շարունակելով զարգացնել այդ թեզը, թուրք արվեստագետ Շերաբե Էդկինը գրում է, որ «Կովկասում գորգեր գործել են XIV դարից հետո»⁸:

2 K u r t E r d m a n. Der Orientalische Knupteppiche. Tubingen, 1975; ն ու յ - ն ի՝ Die Geschichte der früher Turkische tepiche. London, 1977; J e t c i n S e r a r e. Yarlou Caucasian Carpets in Turkey. Vol. 1, 2, London, 1978; ն ու յ ն ի՝ Historical Turkish Carpets. Istanbul, 1981.

3 Ա Ր Մ Ե Ն Ա Կ Ս ա գ գ յ ա ն. Հայկական գորգերը ժե-ժթ դարերում. «Անահիտ», գիրք 1-6, Փարիզ, 1932: Ն ու յ ն ի Հայկական գորգեր. «Անահիտ», գիրք 1-6, Փարիզ, 1939: Լ. Ք յ ու լ ա յ ա ն. Գորգը Հայոց մոտ. Վենետիկ, 1947: Լ. Գ ա յ ա յ ա ն. Հայկական գորգագործությունը Ռումի-սելջուկյան սուլթանությունում (XIII-XIV դդ.). «Պատմա-բանասիրական հանդես», 1977, N 1, էջ 168-176:

4 Ф о л к м а р Г а н ц х о р н. Христиано-восточный ковер — один из аспектов армянского искусства. — Четвертый международный симпозиум по армянскому искусству (тезисы докладов). Ереван, 1985, с. 73.


5 K u r t E r d m a n. Նշվ. աշխ., էջ 17:

6 M a r k o П о л о. Путешествие. Л., 1940, с. 17-18.

7 K u r t E r d m a n. Die Geschichte der früher Turkische tepiche, p. 14.

8 J e t c i n S e r a r e. Նշվ. աշխ., հ. 1, էջ 3-4:

Վերջին տասնամյակներում, գորգագործությունը հայտնի ժողովուրդների տնտեսական կենցաղին ու առհասարակ պատմությունը նվիրված ուսումնասիրությունների երևան գալուց հետո, թեև հետազոտողների մի մասի համար ակնհայտ դարձան շրջանառության մեջ եղած անվանումների մի ճնշող մասի, և տարածաշրջանում գորգագործությանն արևելյան ծագում վերագրելու տեսակետի չհիմնավորված լինելու փաստը⁹, այնուամենայնիվ, Հայկական լեռնաշխարհում գորգագործության առաջացումը շարունակում է բացատրվել քոչվորների մշակութային ազդեցությամբ¹⁰:



Նկ. 2

Սույն ուսումնասիրությամբ կփորձենք ցույց տալ դրա անհիմն ու մտացածին լինելը և առհասարակ, ձեռնարկել համաշխարհային մշակույթի համակարգում Հայոց գորգարվեստի արժեքավորման գործընթացը: Այդ ասպարեզում, անշուշտ, կարևոր նախապայմանը գորգագործության ծագումնաբանության հետազոտումն է, որը դեռևս ըստ պատշաճին կատարված չէ: Հիմնականում, հենց դրա պատճառով է նաև, որ Հայկական գորգերը գիտական առումով ըստ արժանվունյն գնահատված չեն:

Ի՞նչ են հաղորդում սկզբնաղբյուրները:

Պատմական Հայաստանի տարածքում եղած պեղումնավայրերից հայտնաբերվել են մ.թ.ա. IV–III հազարամյակներով թվագրվող գորգագործական աշխատանքային գործիքներ, մ.թ.ա. II–I հազարամյակներին վերաբերող դորդի ու կարպետի պատառիկներ¹¹: Մասնավորապես՝ դորդի պատառիկներ հայտնաբերվել են Սըթիկի դամբարանադաշտի պեղումներից (XII–XI դդ., մ.թ.ա.), իսկ մ.թ.ա. VII–VI դդ. թվագրվող Կարմիր բլրից (Երևան) հայտնաբերվածների թվում բացի խավահանգուցայիններից կան նաև ասեղնագործությունների մնացուկներ: Այս ամենից զատ, հատկապես կարևորում ենք մ.թ.ա. V դ. վերաբերող, Սանկտ Պետերբուրգի էրմիտաժում պահվող նշանավոր «Պագիրիկ» գորգը, որը հայտնաբերվել է 1949 թ. Լեռնային Ալթայի Պագիրիկ կուրգանի N 5 դամբարանից: Պեղումների ղեկավար Ս. Իուրգենկոն, համեմատելով դրա և Հարևան Բա-

⁹ Այս կապակցությամբ տե՛ս Y. G a n z h o r n. Նշվ. աշխ.:

¹⁰ S e ' s օրինակ՝ Y o h n W e r m i t t e. Richard E. Wright. The Tabris Hypothesis, the Dragon and Related Carpets. London, 1992, p. 34; H a n n a E r d m a n n. Die Bezeichnung der vorosmanischen Teppichmuster zu den gleichzeitigen Ornamenten. Hali. Vol. 1, London, 1978, N 3, p. 228-234.

¹¹ Э. В. Х а н з а д я н. Культура Армянского нагорья в третьем тысячелетии до н. э. Ереван, 1973, с.82; С. А. Е с а я н. Древняя культура северо-восточной Армении. Ереван, 1973, с. 208–209; Ն ու յ ն ի՝ Культура племен северо-восточной Армении. Ереван, 1978, с.164-178; Т. С. Х а ч а т ր я н. Древняя культура Ширака. Ереван, 1975, с. 139, 258, 264; А. С. В е р х о в с к а я. Текстильное изделие из раскопок Кармир Блура. — В кн.: Кармир Блура, 3, результаты работ 1951-53 гг. Ереван, 1955, с. 68-69.

չագարի կուրգանից հայտնաբերված գորգերի ու թաղիքների գեղազարգաման տարրերը, արդեն այն ժամանակ հանգել էր պաղիրիկյան գորգի առաջավորասիական ծագում ունենալու տեսակետին¹²: Ասենք, որ այս գորգի դաշտի կենտրոնի խաչաձև վարդյակը (նկ. 2) մ.թ.ա. II–I հազարամյակի կեսերին վերաբերող ասորարաբելական ու վաղ հայկական (ուրարտական) որմնանկարչության ե խճանկարի գեղազարգաման համակարգին բնորոշ տարր է¹³: Նույնը վերաբերում է նաև եզրագոտիների կենդանակերպ հորինվածքներին, հեծյալներին ու դրանց հանդերձանքի մասերին: Ավելին էրմիտաժի քիմիկոս-ներկաբանների հետազոտություններով բացահայտված է, որ այդ գորգի թելերի կարմիր գույնը սաացված է Արարատյան դաշտի «որդան կարմիր» ներկանյութից¹⁴: Բացի այդ, այս գորգը գործված է հայկական գորգերին բնորոշ տեխնիկայով՝ սիմետրիկ (կամ կովկասյան) հանգույցներով, այն դեպքում, երբ Բաշադարի կուրգաններից հայտնաբերված գորգերի հանգույցները, և առհասարակ կատարումն արմատապես տարբեր են¹⁵: Հատկանշական է, որ սիմետրիկ հանգույցներով է գործված նաև Կարմիր բլրից հայտնաբերված գորգի պատառիկը¹⁶: Ս. Ռուզենկոյի կարծիքով, «Լեոնային Ալթայի մեծաքանակ դարգանախաչերի թվում բոլորովին չկան այնպիսիք, որ նման լինեն պաղիրիկյան №5 դամբարանից հայտնաբերված գորգի վրա պատկերվածներին»¹⁷: Վերոհիշյալները, անշուշտ, հաստատում են «պաղիրիկյան» գորգն Առաջավոր Ասիայի և նրան հարող հնագույն քաղաքակրթություններում ստեղծված լինելու Ռուզենկոյի տեսակետը:

Միաժամանակ, ըստ իս, այդ գորգի գեղազարգաման համակարգի և տեխնիկատեխնոլոգիական առանձնահատկությունների բնորոշ լինելը վաղ հայկական ավանդույթներին և, մասնավորապես, նաև արարատյան «որդան կարմիր» ներկի առկայության փաստը, թույլ են տալիս առաջ քաշել այդ գորգի հայկական ծագում ունենալու վարկածը: Այդպիսով, ակնհայտ է մինչև մեր ժամանակները պահպանված հնագույն գորգերի նմուշների անմիջական առնչությունը հայկական լեոնախաչարհի, պատմական Հայաստանի կամ առհասարակ հայկական մշակութային տարածքի ու ավանդույթի հետ:

Պեղումներից հայտնաբերված նմուշներից բացի, Հայաստանում գորգագործության վաղ ավանդույթներին վերաբերող վկայություններ են հաղորդում գրավոր աղբյուրները: Մ.թ.ա. V–IV դդ., Հայաստանին վերա-

12 С. И. Руденко. Древнейшие в мире художественные ковры и ткани. М., 1968, с. 55.

13 З. А. Рагозин. Древнейшая история Востока. История халдеев с отдаленнейших времен до возвышения Ассирии. СПб., 1902, с. 74–75.

14 Л. С. Гавриленко, Р. Б. Румянцев, А. Н. Глебов-ска я. Применение тонкослойной хроматографии и электронной спектроскопии для анализа красителей древних тканей. – Исследование, консервация и реставрация этнографических предметов (тезисы доклада). Рига, 1987, с. 17–18.

15 С. И. Руденко. Նշվ. աշխ., էջ 48–49, սխեմա 36–37:

16 А. С. Верховская. Նշվ. աշխ., էջ 68:

17 С. И. Руденко. Նշվ. աշխ., էջ 49:

բերող գորգերի մասին հիշատակում է Քսենոփոնը¹⁸։ Արդեն մ.թ. I դ. հռոմեացի պատմագիր Տակիտոսը, հիշատակելով Արտաշատում եղած ծանր ու թավ գորգերի մասին, փաստորեն, արձանագրում է նաև նախորդ դարերի ավանդույթների ու դրանց զարգացման գործընթացը¹⁹։ Հայ պատմիչներն ու մատենագիրները նույնպես ըզմիցս հիշատակում են գորգերի ու գործվածքի այլ տեսակների, դրանց տեխնիկատեխնոլոգիական հարցերին վերաբերող տեղեկություններ։ Առավել կոնկրետ, Աղվանից Ձեվանչիը իշխանի առնչությամբ Աղվանից պատմության հեղինակները վկայում են VI–VII դդ. Արցախի գունադեղ կարպետների ու գորգերի մասին²⁰։ Գրավոր աղբյուրներում եղած տեղեկություններից պարզվում է, որ Հայաստանում գորգագործությունը ընդուն վերելք էր ապրում հատկապես VII–XIII դդ.²¹։ Հայկական գորգերն այդ բարաշրջանում հարստության, հասարակության մեջ անհատի գրաված դիրքի չափանիշ էին²²։ Դրանց առանձնակի կարևորությունն է փաստում իսլիֆաթի կողմից Հայաստանից գանձվող տարեկան հարկերի թվում նաև քսան գորգ լինելը²³։ Արաբապարսկական աղբյուրներում տեղ գտած վկայություններից պարզվում է, որ իսլիֆաթի բարաշրջանում հայկական գորգերը դերիշխում էին ողջ Արևելքի շուկայում, և որ հատկապես կարևոր է, դարձել էին ընդօրինակման առարկա և ճանաչված էին «հայկական գորգ» անունով²⁴։ Իսլիֆաթի վիթխարի տարածքում հատկապես լայն պահանջարկ էին վայելում հայկական աղոթագորգերը։ Ակնհայտորեն, հիմնականում այդ հանգամանքով է պայմանավորված գորգագործության կարևորությունը միջնադարյան Հայաստանի տնտեսական կյանքում։ Գրավոր ու պատկերային նյութերը հնարավորություն են տալիս մեզ որոշ չափով պատկերացում կազմել նաև այդ դարաշրջանի հայկական գորգերին բնորոշ դարգանախճերի ու գունային երանգների մասին։ Մասնավորապես, XII դ. արար ուղեգիր Յակուտի շնորհիվ մեզ է հասել Կարին քաղաքում գործված VII դ. վերաբերող մի համրավավոր «հայկական» աղոթագորգի նկարագրություն, որից իմանում ենք, որ դրա գեղազարգման համակարգը ներկայացնում էր պալատական միջավայրին բնորոշ պարտեղային մի շքեղ տեսարան²⁵։

Ընդհանուր առմամբ, բնական է ենթադրել, որ հայկական գորգերի ընդհանուր վարկը կապված էր գունահորինվածքային ու տեխնիկատեխնոլո-

18 Ք ս ե ն ֆ ո ն . Անաբասիս, բնագրից թարգմանեց ու ծանոթագրեց Ս. Կրկյաշարյանը. Երևան, 1975, էջ 164։

19 Տ ա կ ի ա ո ս , քաղեց և թարգմանեց Պ. Սոսնիկյան. Երևան, 1941, էջ 61։

20 М о в с е с К а л а н к а т у а ц и . История страны Алуанк. Пер. с древнеармянского, предисловие и комментарии Ш. В. Смбатяна. Ереван, 1984, с. 60–61.

21 Я. М а н а н д я н . О торговле и городах Армении в связи с мировой торговлей древних времен. Труды, т. VI, Ереван, 1985, с. 162; Հ. Ջ ո Ր Յ Ա Ն . Արաբական շրջանում ֆեոդալական Հայաստանի քաղաքի և գյուղի միջև ստեղծված հակադրությունը. — «Տեղեկագիր» ՀՍՍՀ գիտություն և արվեստի ինստիտուտի, 1928, № 3, էջ 3։

22 А. М е ц . Мусульманский ренессанс. М., 1973, с. 254.

23 А. Т е р - Г е в о н д я н . Армения и Арабский халифат. Ереван, 1977, с. 200–201; Հայ ժողովրդի պատմություն. Հ. 2, Երևան, 1984, էջ 384։

24 А. М е ц . Նշվ. աշխ., էջ 364։

25 А. Т е р - Г е в о н д я н . Նշվ. աշխ., էջ 204։

դիական որոշակի առանձնահատկությունների հետ, որոնց հնարավոր էր հասնել տեական ժամանակաշրջանում կուտակված փորձի ու հմտությունների, ինչպես նաև գորգերի արտադրության մեջ մասնագիտացված հատուկ արհեստանոցների միջոցով: IX–XIII դդ. հայ պատմիչների, մասնավորապես, Ստեփանոս Օրբելյանի հաղորդումներից պարզվում է, որ Հայաստանում արքունիքին, նախարարական տներին ու վանական խոշոր համալիրներին կից կային այդպիսի գործատուն-արհեստանոցներ, որոնցում ոստայնականների հետ աշխատում էին նաև նկարիչներ, ներկարարներ և գորգագործության հետ կապված այլ մասնագետներ²⁶: Նույն դարաշրջանին վերաբերող արաբական գրավոր աղբյուրներում Հայաստանում գորգագործությանը առավել հայտնի կենտրոններ էին համարվում Այրարատը, Բարձր Հայքը, Վասպուրականը, Սյունիքը, Արցախը:

Այս ամենը, ինչպես տեսնում ենք, կար մինչև XI–XII դդ., այսինքն, նախքան սելջուկների մուտքը Հայաստան:

Խնդրի ուսումնասիրման ասպարեզում, անտարակույս, մեծ կարևորություն է ներկայացնում նաև «գորգ» բառի ծագումնաբանությունը: Ակադեմիկոս Գրիգոր Ղափանցյանը գտնում է, որ մ.թ.ա. II հազարամյակին վերաբերող խուռի-խեթական արձանագրություններում եղած «կուրկա» բառը դրա նախատիպն է, և ունեցել է ծածկոցի՝ մասնավորապես ձիու ծածկոցի նշանակություն²⁷: Կարևոր ենք համարում շեշտել, որ Պաղիկից Հայտնաբերված գորգի եզրագոտիներից մեկը ծածկված է թամբին փռած ծածկոցին նստած ձիավորների պատկերներով²⁸: Ուշագրավ է, անշուշտ, որ Հայաստանի մի շարք պատմաազգագրական շրջաններում՝ Գուգարքում, Տավուշում և այլուր իբրև «կարսլետ» բառի հոմանիշ մեր ժամանակներում էլ գործածական են «ձորձ» և «ձունձ» բառերը²⁹: Դրանք բազմիցս հիշատակվում են հայ մատենագիրների երկերում³⁰ և մեր կարծիքով «գորգ» բառի տարբերակներ են:

Այդպիսով, ակնհայտ է, որ պատմական Հայաստանում և հարակից տարածաշրջաններում դորդարվեստի ավանդությունների առկայությունը ոչ մի կերպ չի առնչվում սելջուկյան կամ մեկ այլ ներթափանցման ու մշակութային ազդեցության հետ: Եվ չնայած վերը շարադրված տեղեկությունները մեծ մասամբ հրատարակված են ու հանրահայտ, այնուամենայնիվ, միջնադարում Հայաստանը գորգագործության կենտրոն լինելու փաստը, ուսումնասիրողների մի սովոր մասի կողմից առ այսօր էլ անտեսվում է: Ո՛րն է պատճառը:

Գորգարվեստի ծագումնաբանության, գորգերի առանձին տիպերի ծագման ու տարածման շրջանների բացահայտման ասպարեզում առկա են բազմաթիվ բարդություններ: Ձևավորվելով որոշակի էթնիկական մի-

26 Պատմութիւն նահանգին Սիսական, արարեալ Ստեփանոսի Օրբելիան արքեպիսկոպոսի Սիւնեաց. Թիֆլիս, 1910, էջ 112–113:

27 Г. К а п а н ц я н. Историко-лингвистические работы. Ереван, 1957, с. 354–355.

28 С. И. Р у д е н к о. Նշվ. աշխ., էջ 45:

29 Եր. Լ ա լ ա յ ա ն. Բորչալուի գավառ.– «Ազգագրական հանդես», գիրք 9, Թիֆլիս, 1902, էջ 237–238:

30 Այս մասին տե՛ս Նոր բառգիրք Հայկազեան լեզուի. Հ. Ա., Երևան, 1979, էջ 1075, 1055, Հ. Բ., Երևան, 1979, էջ 161 և այլն:

ջավայրում՝ որոշակի պահանջների բավարարման համար, գորգը հազարամյակների ընթացքում տվյալ էթնիկական միավորի հետ ենթարկվել է տեղաշարժերի ու փոխազդեցությունների, տեղայնացվել այլ էթնիկական միջավայրերում, ստացել գործածական նոր ոլորտներ: Անկասկած, այդ ճանապարհով ձևավորվել են նաև գորգի գեղազարդման նորանոր համակարգեր ու տեխնիկատեխնոլոգիական առանձնահատկություններ: Ճակատագրի բերումով, այս ամենը առավելապես վերաբերում է հայոց գորգերին: Հետևաբար, գորգերի ծագումնաբանական խնդիրների պարզաբանումը, ըստ էության, առաջին հերթին պահանջում է պատմաագրագրական հետազոտությունների խորը գործընթաց, որի արդյունքում հնարավոր է բազմաբնույթ աղբյուրների համադրությամբ բացահայտել վաղագույն գորգագործությունները հայտնի տարածաշրջաններ, դրանցում բնակված ցեղերն ու ժողովուրդները, հետևել դրանց տեղաշարժերին ու մշակութային համակարգի հետագա դինամիկային: Այդ աղբյուրները շատ թե քիչ պատկերացում են տալիս նաև գորգերի վաղ տիպերի գեղազարդման համակարգերի մասին: Բայց նկատենք, որ արևմտյան ուսումնասիրողները հետամուտ են առևտրական նպատակների և, բնականաբար, պատմագրագրական հետազոտություններ կատարելու առանձնապես մեծ կարիք չեն էլ զգում:

Գորգարվեստի ծագումնաբանություն, գորգերի տիպաբանություն ասպարեզում արևմտյան ուսումնասիրողների կողմից անտեսված է նաև մեկ այլ կարևորագույն հանգամանք: Սելջուկ-թուրքմենների, ապա նրանց հաջորդած մոնղոլ-թաթարների ու միջինասիական այլ քոչվոր ցեղերի ավերիչ արշավանքների և հատկապես հայոց պետականության կորստի պատճառով զանգվածային բնույթ ստացած արտագաղթներից Հայաստանում նվազում է բնիկ հայ բնակչության, հատկապես քաղաքային բնակչության թվաքանակը: Դրա փոխարեն զգալիորեն ստվարանում են Փոքր Ասիայի արևմտյան տարածքներում, Հյուսիսարևելյան Անդրկովկասում, Բալկաններում ու Տրանսիլվանիայում, Ղրիմում ու Լեհաստանում նախկինում արգեն ձևավորված հայկական գաղթօջախները: Մինչգեո բուն Հայաստանում հիմնավորվում են միջինասիական ծագումով բազմաթիվ քոչվոր ցեղեր, որոնց համար տարածաշրջանը դառնում է հարմար արտատեղիներ ու մշտական ավարառությունների վայր: Այդպիսով, որոշակի փոփոխություն է կրում Հայաստանի ժողովրդագրական պատկերը: Այդ պայմաններում տնտեսության ու առհասարակ մշակույթի համընդհանուր անկման հետ անկում էր ապրում նաև գորգագործությունը: Մասնավորապես, վերանում են գործատները, այդ թվում գորգի խոշոր արհեստանոցներն ու ապրանքային կազմակերպված արտագրությունը: Հայաստանում գորգագործության ավանգույթները շարունակվել են միայն տնայնագործության ձևով՝ Աբգախում, Սյունիքում, Գուգարքում, Տավուշում, մասամբ նաև Բարձր Հայքի ու Վասպուրականի մի շարք գավառներում: Դրանք շարունակում էին զարգանալ նաև Փոքր Ասիայի արևմտյան և Անդրկովկասի Հյուսիսարևելյան տարածքներում, որտեղ ստվար խմբերով բնակություն էին հաստատել Այրարատից, Բարձր Հայքից, Սյունիքից, Արցախից ու Վասպուրականից, այսինքն՝ հայոց գորգագործության ա-

վանդական կենտրոններից արտագաղթած հայերը³¹: Այսպիսով, տեղի ունեցավ պատմամշակութային մի լայնածավալ գործընթաց, որի արդյունքում հայոց մշակութային համակարգի՝ այդ թվում գորգարվեստի ավանդույթները տեղայնացվեցին և հետագայում՝ հատկապես XVIII–XIX դդ. բուռն զարգացում ապրեցին վերը հիշատակված տարածաշրջաններում:

Միաժամանակ հայտնի է, որ հայոց պետականության անկումով, տարածաշրջանի պաշտոնական վարչաքաղաքական անվանացանկից, մեծ մասամբ, դուրս էին մղվել «Հայաստան» և առհասարակ հայոց էթնոտոպոնիմային ներկայությունը մատնանշող տերմինները: Կարծում ենք, որ հենց այս հանգամանքով էր պայմանավորված նախորդ դարերում գորգերի ապրանքային անվանումների՝ այդ թվում շրջանառության մեջ եղած «հայկական» գորգ տերմինի մոռացության մատնվելու փաստը: Մյուս կողմից, հայոց դորգը, ռազմավարի ու թալանի ճանապարհով դառնում է քոչվորների սեփականություն և, ժամանակի ընթացքում որոշ ցեղերի կողմից յուրացվելով (չահսեան, րախտիար, թարաքյամա, կարափափախ, ավշար, յուրուկ և միջինասիական ծագում ունեցող քոչվոր այլ ցեղեր), կրում է որոշակի գունատճական լրացումներ, տարածվում այդ եկվոր ցեղերով բնակեցված տարածաշրջաններում և աստիճանաբար սկսում է տարբերակվել այդ նոր ցեղանվանումներով: Ի հավելումն ասվածի, հայտնի է, որ հայոց մոտ, կենսաապահովման հիմնական ճյուղերը երկրագործությունն ու անասնապահությունն էին, մյուս զբաղմունքներն ու արհեստները, այդ թվում՝ գորգագործությունը, կրում էին օժանդակ բնույթ: Ըստ որում, XIV–XV դարերից հետո գորգագործությունը միայն տնայնագործական էր, և նպատակաուղղված սեփական կարիքների կամ էլ կոնկրետ որևէ պատվերի բավարարմանը: Այն՝ ինչպես որ զարգացած միջնադարում էր, արդեն չունեի ապրանքային նպատակաուղղվածություն, նախատեսված չէր շուկայի համար, ուստի այդ տարածքներում գորգերի զանդվածային առևտուր չէր էլ կատարվում, և այդ տեղանուններն էլ անհայտ էին մնում գորգի մեծածախ առևտրով զբաղվողներին: Այդ տարածքներից, ժամանակի ընթացքում, եվրոպացի կաթոլիկ միսիոներների ու տեղացի մանր վաճառականների ձեռք բերած, ինչպես նաև ավարի ու թալանի միջոցով քոչվորների մոտ կուտակված հայկական գորգերը երբեմն վաճառահանվում էին առևտրական ուղիների վրա գտնվող բնակավայրերում՝ Թիֆլիսում, Թավրիզում, Շամախիում, Դերբենտում, Տիգրանակերտում (Դիարբեքիր), Կարինում (Էրզրում), Կեսարիայում, Ղուբայում, Ղազախում, Դանձակում (Գյանջա) և այլն: Ակնհայտ է, որ այս դեպքում ևս շրջանառությունից դուրս են մնում հայոց գորգագործական կենտրոնների հայահուսն տեղանունները:

Կովկասում և Փոքր Ասիայում ապրանքային գորգագործությունը նորից ծավալվում է միայն XIX դարի երկրորդ կեսից հետո: Այդ ժամանակներից էլ, հյուսիսարևելյան Անդրկովկասում (Շամախի–Ղուբա–Դերբենտ տարածաշրջան) և Փոքր Ասիայի արևելյան տարածքներում (Սպար-

31 Տե՛ս Մ ա կ ա ր Բ ա ր խ ու ղ ա ր յ ա ն. Աղվանից աշխարհ և դրացիք. Արցախ.– «Հայադիտական Մատենադարան», Երևան, 1999, Ն. Ա. Մ կ ր տ է յ ա ն. Բուրդուրի բարրառի ձևաբանությունը.– ՀՍՍՀ ԳԱ «Լրագրի հաս. գիտ.», 1966, N 1, էջ 49:

տա, Ուշակ, Կեսարիա, Սեբաստիա և այլն) սկսվում է մեծ մասամբ Հայկական ավանդական գորգերի գեղազարդումների հիմամբ ստեղծված վերամշակումների, ինչպես նաև նոր գծանկարներով գորգերի արտադրությունը, որոնք էլ շուկայում հայտնվում են այդ տարածքներում ապրող եկվոր վաճկատուն ցեղերի կամ այդտեղ գտնվող բնակավայրերի ու մերձակա առևտրի խոշոր կենտրոնների անուններով: Սակայն, հարկ է նշել, որ պատմամշակութային այս անցուղարձի ուսումնասիրումն ու դրա հետևանքների բացահայտումը նույնպես չէր մտնում արևմտյան գորգագետների մեծ մասի հետաքրքրությունների շրջանակի մեջ: Այդ պայմաններում, գորգի համաշխարհային առևտրում և գորգարվեստի եվրոպացի ուսումնասիրողների կողմից օգտագործված տերմինների համակարգում, անշուշտ, չէին լինելու հայերին վերաբերողները: Գորգագետները, հիմնականում, առանց խորամուխ լինելու խնդրո առարկա թեմայի նախապատմությունը, տարածաշրջանում գորգարվեստի ծաղումը ընդունում են միջինասիական քոչվոր ցեղերի տեղաշարժերով բացատրող, կողմնակալ ու հեռահար նպատակների համար ստեղծված տեսությունը: Իսկ ինչո՞ւ: Այս առիթով հարկ է անգրագառնալ տարածաշրջանի գորգերին տրված ընդհանրացված այն անվանումներին, որոնք մատնանշում են էթնոսի կամ էթնիկական խմբի վարած կենսաձևը կամ կրոնական համակարգը: Այդպիսիք են, մասնավորապես, «սելջուկյան», «քոչվորական» և «մուսուլմանական» գորգ հասկացությունները, որոնք գիտական ու առևտրական ոլորտներում կիրարկվում են արդեն շուրջ մեկ դար³²: Հետագայում, 1920–30-ական թվականներին, այս տերմինները իբրև որոշակի գաղափարախոսություն կրողներ, նպատակաուղղվեցին գորգարվեստի բնագավառում իսլամական և մասնավորապես թուրք-սելջուկյան մշակույթի նշանակության ուսումնասիրման ու դրա դերի չափադանցմանը: Այդպիսով, թուրքամետ գորգագետները և հատկապես գերմանացի արևելագետ Կուրտ էրզմանն ու իր հետևորդները սելջուկ-թուրքմենական և մոնղոլական քոչվոր ցեղերի տարածաշրջան ներթափանցումը ներկայացնում են իբրև պատմական Հայաստանում և Փոքր Ասիայում տնտեսության ու մշակույթի դարգացման, իսկ որոշ արհեստների մասնավորապես գորգագործության համար նաև սկզբնավորման գործոն³³: Ըստ որում, այդ ամենը հիմնավորելու համար օգտագործվում է նաև վերը նշված «պազիրիկյան» գորգը, որը, թեև Կենտրոնական Ասիայի մշակույթի հետազոտող Ս. Ի. Ռուզենկոյի կարծիքով բնորոշ է առաջավորասիական մշակույթին և բացարձակապես օտար Կենտրոնական Ասիայի, այդ թվում նաև Լեռնային Ալթայի մշակույթին³⁴, «սելջուկյան» տեսության նշանավոր հետևորդներից Կ. էրզմանի կարծիքով, այնուամենայնիվ դործել են արևմտյան թուրքեսաանի բնակիչները սելջուկների նախահայրերը³⁵: Անշուշտ, այդ դադարը ընդունում և դարդացնում են թուրք մշակութաբանները: Ստամբուլ-

32 Այս մասին տես՝ Rudolf Neugebauer und Julius Orendi. Handbuch der Orientalischen Teppichkunde. Leipzig, 1909, S. 9–11, 83–91.

33 Kurt Erdman. Der Orientalische Knuftteppiche, S. 14.

34 С. И. Руденко. Նշվ. աշխ., էջ 49, 54:

35 K. Erdman. Die Geschichte der früher Turkische tepiche, p. 13–16.

լի Համալսարանի պրոֆեսոր Ն. Դիրբեքիրլին արդեն մեր ժամանակներում գտնում է, որ այդ գորգի գեղազարդման մանրամասներն ու կատարման ոճը հատուկ էին Կենտրոնական Ասիայի թուրք-օղուզական ցեղերի մշակույթին³⁶: Ակնհայտ է, որ այդ և նմանատիպ «ուսումնասիրողների» համար ոչ մի նշանակություն չունեն պատմական ճշմարտությունները: Նրանց առաջնահերթ ու կարևորագույն խնդիրը թուրքական ցեղերին մշակութային քղամիդ հագցնելն է:

Վերոհիշյալ տեսություններն, այդպիսով, հետապնդել են քաղաքական նպատակներ, և, ընդհանուր առմամբ գուրկ լինելով գիտական հիմնավորումներից, ուղղված են եղել միջազգային հանրության աչքում արմատավորված օսմանյան թուրքերի էթնիկական ու մշակութային եղևուն իրականացնողի կերպարի պատկերացումը փոխելուն, տարածաշրջանի պատմամշակութային կյանքում մշակութային բուռն վերելք ապահոված գործոն ներկայացնելուն: Բայց գորդարվեստի ասպարեզում այս տարածաշրջան ի՞նչ ունեին բերելու սելջուկներն ու ալթայյան ու միջինասիական ծագումով մյուս եկվորները:

Նախորդ էջերում մենք մի քանի անգամ դիմելով IX–XIII դդ. արաբական աղբյուրներին, ներկայացրեցինք գորգագործության բարձր մակարդակը Հայաստանում, ինչպես և Պարսկաստանի արևմտյան տարածաշրջանների գորգագործական կենտրոններում: Այդ նույն աղբյուրներում հիշատակություններ կան նաև միջինասիական ժողովուրդների զբաղմունքների, այդ թվում՝ ոստայնակության մասին: Սակայն արտադրանքի թվում հիմնականում նշվում են կտորատեսակներ հագուստի, վրանի, փուցների և հատկապես թաղիք³⁷: Այս վերջինս առավելապես բնորոշ էր թուրքերին³⁸: Գորգեր, պարզվում է, գործում էին միայն խորեզմում և Մերվում³⁹: Մեզ հայտնի չեն այդ գորգերի գեղազարդման մանրամասներն ու տեխնիկատեխնոլոգիական հատկանիշները, բայց գրավոր աղբյուրները հաղորդում են, որ այդ տարածաշրջանների իշխողները իրենց տիրակալների կամ հարևանների հետ եղած տարածայնությունները լուծում էին վերջիններիս հայկական գորգեր նվիրելու ճանապարհով: Ըստ որում, դրանք այլ ծագում ունեցող գորգերից տարբերակում էին հենց «Հայկական» անունով⁴⁰: Մուքտազիր խալիֆին 911 թվականին հայկական գորգեր է նվիրել նաև Ատրպատականի էմիր Յուսուֆ Աբու Սաջր, և սա այն դեպքում, երբ գորգագործության կենտրոն էր նաև նրա աթոռանիստ թավրիզ քաղաքը: Հարկ ենք համարում նորից նշել, որ այս ամենը հիմնականում վերաբերում է VII–X դդ., այսինքն նախքան սելջուկների և նրանց հաջորդած քոչվոր այլ ցեղերի հետագա մուտքը Հայկական լեռնաշխարհ ու մերձակայք:

36 Nejat Diyarbekirli. New Light on the Pazirik Carpet (translated from Turkish by Alan Melaart). – Hali, The International Journal of Oriental Carpets and Textiles. Vol. 1, London, 1978, No. 3, p. 216–221.

37 Материалы по истории туркмен и Туркмении. (VIII–XV вв.). Арабские и персидские источники, т. 1, М. – Л., 1939, с. 128, 135, 146, 150, 174, 202 և այլն:

38 Նույն տեղում, էջ 202:

39 Նույն տեղում, էջ 135, 146:

40 Նույն տեղում, էջ 238: А. М е п. Նշվ. աշխ., էջ 360–380:

Այսպիսով, ակնհայտ է, որ Միջին Ասիայից կամ Լեռնային Ալթայից Առաջավոր Ասիա ներթափանցած քոչվոր ցեղերը, ծանոթ չլինելով գորգագործության ավանդույթներին, իսկ լավագույն դեպքում չունենալով զարգացած ավանդույթներ, չէին էլ կարող այդ զբաղմունքը ներմուծել տարածաշրջան ու գեռ դրա զարգացման գործոնն էլ դառնալ: Ուրեմն, ի՞նչ խոսք կարող է լինել «սելջուկյան», «քոչվորական» և «մուսուլմանական» գորգ հասկացությունների և մասնավորապես Հայաստանում ու Հարավից տարածքներում գորգագործության առաջացումը գրանց հետ կապելու մասին: Առհասարակ, ինչքանով է քոչվորական տնտեսաձևը հարմար գորգագործությանը զբաղվելու համար, քանի որ այդ պարագայում, ակնհայտ է տեական ժամանակի, լուսավոր ու չար տարածքի և, մանավանդ, բնակության հիմնական վայրի անհրաժեշտությունը: Բացի այդ, գորգ գործելու զանգվածեղ հարմարանքը՝ տորքը, նպատակահարմար չէ անընդհատ տեղից տեղ փոխադրել, իսկ կիսավարտ գորգը առհասարակ ենթակա չէ տեղափոխման: Ընդհանրապես, այս կապակցությունում շատ ավելի համոզիչ ու պատկերավոր առարկություն ունի Շուշիի Փանահ խանի վեզիրը՝ XVIII դ. ապրած նշանավոր աշուղ Վազիֆը: Իր ստեղծագործություններինց մեկում նա գրել է.

..Եթե դեղջկուհու իրանը նուրբ է ջնարակի նման,
Նա արժանի է ոչ թե հանայի (գորգագործի տորք հաստոց—
Ա. Պ), այլ հինայի:
Քոչվորն անտուն է, հանգրվան չունի,
Միթե կարող է նա հանային հարմարվի⁴¹:

1880-ական թվականների Շուշի գորգագործության վերաբերյալ կատարած դիտարկումներում Յա. Ջեգենիձեն պարզել է, որ տեղի մահմեդականների պատկերացումներով գորգագործի տորքը համարվում է «չար սատանայի հորինած հարմարանք»⁴²: Այդպիսով, բացի այն, որ քոչվորական տնտեսաձև վարելուն անհարիր էր գորգագործությանը զբաղվելը, գրանց մի մասի հոգևոր պատկերացումներին այդ զբաղմունքը առհասարակ խորթ ու անընդունելի էր: Ավելին, դրան վերադրում էին սատանայական ծագում:

Հայտնի է, որ քոչվորների հիմնական զբաղմունքը անասնապահությունն էր: Բացի անասնապահությունից, ուրիշ ինչնով էին զբաղվում Հայկական լեռնաշխարհում տեղավորված քոչվորները: Աղբբեջանցի պատմաբան Վ. Լեվիթովը իր ուսումնասիրություններով պարզել է, որ Մուղանի տափարակներում և Արցախի ցածրադիր մասերում ձմեռող ու մարտից սեպտեմբեր ամիսը Այունիքի, Արցախի ու Գարգման-Տավուշի լեռնային արոտատեղիներում ապրող քոչվորները «քոչի ճանապարհին

41 Л. К е р и м о в. Азербайджанский ковер. Баку, 1983, с. 121 (թարգմ. — Ա. Պ.).

42 Я. З е г е н и д з е. Город Шуша. Производство ковров и паласов. — Сборник материалов для описания местностей и племен Кавказа (далее — СМОМПК), вып. XI, Тифлис, 1891, с. 47 — 48.

զբաղվում էին թալանով և իսկական աղետ էին նստակյաց բնակչության համար»⁴³: Մինչդեռ, պատմական Արցախի մաս կազմող Ելիզավետպոլի գավառում մահմեդականներով բնակեցված 69 գյուղից 42-ը պատկանում էր քոչվոր ցեղերին, հինգը կիսաքոչվորներին⁴⁴: Անշուշտ, քոչվորական տնտեսություններում ևս զբաղվել են գորգագործությամբ, բայց այդ պայմաններում ի՞նչ քանակի և որակի գորգագործության մասին է խոսքը, և մանավանդ, ի՞նչ կարևորություն կարող էր այն ունենալ հայոց գորգարվեստի մի այնպիսի խոշոր ու ավանդական կենտրոնի համար, ինչպիսին Արցախն է: Մինչդեռ Վ. Լեվիթովը, անդամ իր իսկ դիտարկումների պարագայում, գրում է, որ XVIII դարում Արցախը առավելապես հայտնի էր քոչվորական արտադրանքով գորգերով և կարպետներով⁴⁵: Ուրեմն, լավ է, որ այդ առթիվ մենք ունենք, ի տարբերություն Լեվիթովի, հենց այդ դարաշրջանում ապրած և այդ ցեղերի կենցաղին քաջածանոթ աշուղ Վազիֆի կարծիքը:

Արցախը հայտնի է եղել առավելապես քոչվորական արտադրանքի գորգերով ու կարպետներով, ուստի անհրաժեշտ ենք համարում շեշտել, որ ա. վերը բերված պատմաազգագրական տվյալների ու փաստարկների վկայությունները գորգագործությունը հատուկ չի եղել քոչվորական կենսաձևին,

բ. Արցախը միշտ եղել է հայաբնակ հայոց էթնիկական գերակշռություն:

Վերջին հանգամանքի կապակցությամբ նշենք, որ Ռուսաստանին միանալուց հետո էլ, երբ այն վերաբաժանվում է չորս գավառի և դրանց կազմն են մտցվում քոչվորներով ու կիսաքոչվորներով բնակեցված մերձակա տարածքները, այնուամենայնիվ, հայերի տեսակարար կշիռը այդ գավառներից յուրաքանչյուրում հայտնված մյուս էթնիկական միավորների նկատմամբ ինչպես նախորդ դարերում էր⁴⁶, դարձյալ մնում էր գերակշիռ: Բնականաբար, գորգերով ու կարպետներով Արցախի հայտնի լինելու հանգամանքը չէր կարող առնչություն ունենալ քոչվորների լինել-չլինելու ու առհասարակ «քոչվոր» հասկացության հետ: Այս կապակցությամբ, կարևոր հետևությունների տեղիք են տալիս վիճակագրական տվյալները: Պարզվում է, որ 1885 թ. մարդահամարի համաձայն, նահանգի ամենախոշոր՝ Ելիզավետպոլ գավառում հայերը կազմում էին բնակչության 35 տոկոսը, մահմեդականները՝ 54 տոկոսը⁴⁷: 1895 թ. վիճակագրության տվյալներով Շուշի գավառում հայերը կազմել են բնակչության 58 տոկոսը⁴⁸: Այդ նույն ժամանակ Շուշի քաղաքի բնակչության կեսից ավե-

43 В. Н. Л е в и а т о в. Очерки из истории Азербайджана в XVIII веке. Баку, 1948, с. 40.

44 Н. А. А б е л о в. Исследование экономического быта государственных крестьян Елизаветпольского уезда Елизаветпольской губернии, Тифлис, 1887, с. 12; История Азербайджана, т. II, под редакцией Н. А. Гусейнова, А. С. Сумбатзаде и др., Баку, 1960, с. 25—26, 59—60.

45 В. Н. Л е в и а т о в. Նշվ. աշխ., էջ 55:

46 Այս մասին աե՛ս՝ Грамоты и другие исторические документы XVIII столетия, относящиеся к Грузии. 1768-1774 гг. Т. I, СПб., 1891, с. 434.

47 И. А. А б е л о в. Նշվ. աշխ., էջ 12—13:

48 Ե Ր Վ ա ն Գ Լ ա լ ա յ ա ն. Երկեր հինգ հատորով. հ. 2, Երևան, 1988, էջ 49:

լին նույնպես հայեր են եղել⁴⁹: Բայց այդ թվերն էլ դեռ կարիք ունեն մեկնաբանման: Բանն այն է, որ մահամեղականների թվային բարձր տոկոսը արդյունք է տարածաշրջան մոտեք գործած թափառական կենսաձև վարող միջինասիական ծագումով այսպես կոչված «կովկասյան թաթարների», ավարների, կարափափախների, թարաքյամանների, ջեանշիրների և տեղական մահամեղական բնակչության պարսիկների, քրդական և կովկասյան ծագում ունեցող մի շարք այլ ցեղերի ընդհանուր թվաքանակին: Իրականում, դրանցից յուրաքանչյուրը առանձին վերցրած անհամեմատ ավելի քիչ տոկոս էր կազմում ընդհանուրի մեջ, քան հայերն էին: Եվ բացի այդ, դրանց մեծ մասի հիմնական զբաղմունքը վերոհիշյալ Վ. Լեվիթովի գիտարկումների համաձայն, ամենևին կապ չունեն գորգ գործելու հետ: Կարծում ենք, տեղին է այստեղ հիշել, որ XIX–XX դդ. արցախահայերի գորգագործությունը ղբաղվելու մասին, ի տարբերություն աղբբեջանցի և արևմտյան թուրքամետ գորգագործների, բազմիցս նշում են Արցախի գորգագործական կենտրոններում հետազոտություններ կատարած ուսումնասիրողներ Ի. Աբելովը և Մ. Իսաևը: Ըստ որում, նրանք շեշտում են, որ հայոց գործած գորգերը աչքի էին ընկնում տեխնիկատեխնոլոգիական ու գեղարվեստական լավագույն հատկանիշներով⁵⁰:

Այսպիսով, Արցախում և շրջակա գորգագործական կենտրոններում պատմամշակութային ավանդույթներ ունեցող բնիկ ժողովուրդների թվում ակնհայտորեն գերակշռում էին հայերը, և իրականում Արցախն էլ առավելապես հայանի էր հենց նրանց արտագրած գորգերով ու կարպետներով: Ընդհանուր առմամբ, այդպիսին էր գորգագործության պատկերը նաև Հայաստանի պատմաաղագրական մյուս շրջաններում:

Վերը շարադրված պատմաաղագրական նյութերը հնարավորություն են տալիս որոշակի պատկերացում կազմելու Հայկական լեռնաշխարհում և առհասարակ Առաջավոր Ասիայում գորգագործության ծագումնաբանության ընթացքի ու հետագա դինամիկայի մասին: Այդ նյութերը փաստում են գորգարվեստի ասպարեզում տեղական վաղնջական ավանգույթների գոյությունն ու գրանց անընդհատ զարգացման, հարստացման բազմաբնույթ գործընթացը: Միաժամանակ, գրանցից ակնհայտ է դառնում, որ վերջին հազարամյակի ընթացքում կատարված ժողովրդագրական բաղմաթիվ բուռն ու լայնածավալ տեղաշարժերը նկատելիորեն պետք է ազդած լինեին հայոց գորգերին ընդհանուր դեղազարդման, ինչպես նաև տեխնիկատեխնոլոգիական առանձնահատկություններին: Ասկայն մեր կատարած հետազոտությունները մատնանշում են նաև, որ չնայած եղած ազդեցություններին, այնուամենայնիվ, մինչև մեր ժամանակներն էլ հիմնականում պահպանվել են հայոց ավանդական գորգարվեստին բնորոշ դեղազարդման տարրերը, գրանց մատուցման ձևերն ու գունային լուծումները⁵¹: Այդ հետազոտություններից պարզվում է նաև, որ հայոց գոր-

49 Я. З е г е н и д з е. Նշվ. աշխ., էջ 1:

50 И. А. А б е л о в. Նշվ. աշխ., էջ 97, М. И с а е в. Ковровое производство Закавказья, Тифлис, 1932, с. 123.

51 Ա. Պ ո ղ ո ս յ ա ն. Վիչապագորգերի ծագումնաբանության ու տարածման արեալների հարցի շուրջ. «Հայ ժողովրդական մշակույթ», Հանրապետական գիտական նստաշրջան, ԴԽ (գեկուցումների հիմնագրություններ). Երևան, 1997, էջ 51–52:

գարվեստին բնորոշ հիմնական հատկանիշներից է գարդանախշերի ու հորինվածքների ոճավորումը, դրանց միջոցով որոշակի իմաստ ու ծիսապատասմունքային պատկերացումներ արտահայտելը: Հայոց մեջ գորգագործութան հնամենի ավանդույթների առավել համոզիչ փաստարկներից է գորգագործութան ծիսականացված ընթացքը, և այդ ծեսում գորգագործի իբրև ծեսի առաջնորդ ներկայանալը⁵²:

Այսպիսով, հիմքեր չունենք կասկածի տակ դնելու վերը շարադրված պատմաաղագրական տվյալների հավաստի լինելը: Դրանք հիմնականում գրավոր, օտարալեզու աղբյուրներ են մեծ մասամբ ունեն պարսկաարաբական ծագում և դրանց հեղինակները չպետք է որ առանձնապես շահագրգիռ լինեին հայ ժողովրդին ավելորդ բարեմասնություններ վերագրելուն: Ուստի, հիմնադուրկ ու միտումնավոր են տարածաշրջանում գորգագործութան ծագումը սելջուկների և այլ եկվոր ցեղերի մշակութային ազդեցութամբ բացատրող տեսությունները: Ավելին: Հայկական լեռնաշխարհում ու հարակից գորգագործական կենտրոններում տեղի ունեցած պատմամշակութային գործընթացների ու էթնիկական լայնածավալ տեղաշարժերի ուսումնասիրությունից պարզվում է, որ տարածաշրջանի գորգագործական կենտրոնների մեծ մասը ձևավորվել է հայոց գորգարվեստի ազդեցութամբ: Հայկական մշակութային տարածքի փոքրասիական, բալկանյան ու հյուսիսարևելյան Անդրկովկասի գորգագործական կենտրոններում լայն տարածում ստացած հայկական ավանդական բազմաթիվ գորգատիպեր հաստատում են այդ իրողությունը:

Եզրափակենք. Հայկական լեռնաշխարհը գորգի հնամենի օրրաններից է, իսկ հայ ժողովուրդը՝ դրա ստեղծողներից մեկը:

К ВОПРОСУ О ВОЗНИКНОВЕНИИ КОВРОТКАЧЕСТВА В АРМЕНИИ

ԱՄՄԱՆԴՅ ՍՈՂՅԱՆ

Ր Ե Յ Ո Մ Ե

Начиная с XX в. среди ковроведов и в сферах торговли ковров главенствовало понятие "сельджукский" или "кочевой" ковер. Многочисленные типы армянских и переднеазиатских ковров еще в начале века определялись по названиям кочевых и полукочевых племен среднеазиатского происхождения или по названиям их поселений ("Тавриз", "Гянджа", "Ширван", "Дербент", "Туркмен", "Афшар", "Шахсеван", "Белудж", "Бахтиар", "Караман" и др.). На основе этого ряд исследователей (В. Боде, А. Уфам-Пооп, К. Эрдман и др.) связывают возникновение ковроткачества в Армении и вообще в Передней Азии с вторжением тюрко-сельджукских племен. В статье отрицается эта теория и на основе исторических первоисточников (ковры и обрывки ковров, относящихся к II—I тысячелетиям до нашей эры, арабские и другие письменные и изобрази-

52 Ա. Պ ո դ ո ս յ ա ն. Գորգի ծիսապատասմունքային հարցի շուրջ. - «Պատմա-լայնասիրական հանդես», 2000, N 1, էջ 125-132:

вторжением тюрко-сельджукских племен. В статье отрицается эта теория и на основе исторических первоисточников (ковры и обрывки ковров, относящихся к II–I тысячелетиям до нашей эры, арабские и другие письменные и изобразительные источники XI–XII вв.) обосновывается факт существования традиции коврового искусства на Армянском нагорье до вторжения сельджуков в XI–XII вв. На основе изучения технико-технологических особенностей ковроткачества представляется невозможной их принадлежность к кочевому образу жизни, следовательно, безосновательно и само понятие “кочевой ковер”. Тем более, что в вышеупомянутых источниках среди перечисленных занятий кочевых племен не встречается ковроделие. Теория, объясняющая возникновение ковроткачества в регионе вторжением тюрко-сельджукских племен изначально имеет политический характер. Она в общем нацелена на изменение образа османских турок как исполнителей этнического и культурного геноцида, и при этом представляет их как фактор, который обогатил культурный мир региона и обеспечил бурное развитие культуры в исторической Армении, а также в Передней Азии в целом. Таким образом, ранние находки ковров и ковровых изделий, обнаруженных на Армянском нагорье, и многочисленные свидетельства письменных источников последующих веков позволяют заключить, что Армянское нагорье — одна из колыбелей ковроделия, а армянский народ — один из его создателей.

TO THE QUESTION OF THE ORIGIN OF RUG WEAVING IN ARMENIA

ASHKHUNDJ POGHOSYAN

S u m m a r y

The author disputes the ideas of “Seldjuk rug” or “Nomadic rug” which dominated among the rug managers and rug dealers from the beginning of the 20th century and calling the numerous Armenian and Advanced Asian rugs by the names of the nomadic tribes or their settlements. Meanwhile on the basis of it a lot of investigators connect the beginning of rug weaving in Armenia and on the whole in the Advanced Asia with invasion of the Seldjuk-Turkish tribes. Basing on the different historical sources (rugs and parts of rugs of the II millennium among them the rug “Pasirik” of the 5th century, Arabian written and picture sources) the author grounds the existence of rug weaving traditions in the Armenian upland before the Seldjuk invasion (11th-12th cc.) and shows the political background of presenting those rugs as of the Seldjuk origin. The author shows that from the point of view of the rug weaving technique and technology peculiarities there is no foundation for representing them as “nomadic rug”. The earliest examples of rug discovered in the Armenian upland and the following written evidences let us make a conclusion that the Armenian upland is one of the most ancient cradles of rug weaving. In the author's opinion the theory of explaining the origin of rug weaving in this district by the invasion of the Seldjuk-Turkish tribes aims to extenuate the Turks' fault for ethnic and cultural crimes and to introduce them as a factor which provided the historical-cultural development of the region.